

CIN u užem izboru za svjetsku nagradu

Novinar Centra za istraživačko novinarstvo (CIN) Nino Bilajac ušao je u uži izbor za svjetsku nagradu za najboljeg mladog novinara, koju dodjeljuje britanska fondacija [Thomson Foundation](#).

U konkurenciji je bilo 236 prijava iz 60 zemalja a samo deset novinara i novinarki ušlo je uži izbor. Žiri Fondacije će do kraja novembra izabrati troje najboljih kao i najboljeg među njima.

Uz novinara CIN-a u užem izboru su i novinari i novinarki iz Ukrajine, Nigerije, Gane, Sirije, Pakistana, Kenije, Šri Lanke i Indije.

Bilajac je tokom proteklih godinu dana istraživao zapošljavanje i potrošnju novca u Zavodu zdravstvenog osiguranja Zeničko-dobojskog kantona te delegate i savjetnike u Parlamentu Federacije Bosne i Hercegovine (FBiH).

Zavod za rastrošnost

Istraživačka priča, video-prilog te politički strip „Lažni smještaj za dodatnu zaradu“, na kojima je Bilajac radio zajedno s kolegicom Jelenom Jevtić, otkrivaju kako su delegati Doma naroda Parlamenta FBiH lažno prijavljivali smještaj u Sarajevu. Delegati koji žive u mjestima udaljenim preko 70 kilometara od Sarajeva imaju pravo mjesečno na 800 KM naknade za stan, odvojeni život i prijevoz.

Lažni smještaj za dodatnu zaradu

CIN je otkrio da pojedini delegati ugovaraju najniže kirije kako bi im ostalo što više novca od naknada. U velikom broju

stanova koji su plaćeni za delegate u stvari žive drugi ljudi: stanodavci i njihove porodice, djeca delegata ili drugi podstanari.

Neposredno nakon ove priče, objavljena je i priča o savjetnicima predsjedavajuće Doma naroda Parlamenta FBiH Lidijske Bradare. Od osam savjetnika Bradara je čak pet zaposlila nezakonito.

Bradara i osam savjetnika

Priče objavljene u augustu ove godine izazvale su veliku pažnju javnosti ali i pravosudnih organa. Tužilaštvo Kantona Sarajevo potvrdilo je da je na osnovu ove dvije priče Federalna uprava policije početkom ovog mjeseca zatražila je od Parlamenta dokumentaciju o delegatima i savjetnicima.

Tužilaštvo provjerava delegate i savjetnike

FUP zatražio dokumentaciju o delegatima i savjetnicima